



7/1023. X:äi:5.

Arcus

Berlin 2940

Funck p. 391



2188

2188

MINYOTTA 2188

MINYOTTA

MINYOTTA


MINYOTTA

MINYOTTA

MINYOTTA

MINYOTTA

MINYOTTA




ARCVS
ALIQVOT TRIVMPHAL.
ET MONIMENTA
VICTOR. CLASSICAE,
IN HONOR.

Inuictissimi ac Illustriß.


IANI AVSTRIAE,
VICTORIS NON QUIETVRI.

AUCTOR.
IOAN. SAMBVCO.

QVIBVS ADIECTVM EST
eiusdem argumenti Carmen Heroicum
PER HVGONEM FAVOLIVM.



ANTVERPIÆ
Apud Philippum Gallæum.
M. D. LXXII.



SERENISS: PRINCIPI IANO AVSTRIO CA- ROLI .V. FILIO.

DOMINO SVO CLEMENTISSIMO,
IOAN: SAMBVCVS.



Ntanta omnium lætitia, vniuersoque applausu, quid ego priuatim agam? doleam? inauditam victoriam inuideam? Sileam? absit, absit, procul; cuius desiderium, omnesq; preces, & vota in Christianorum Triumphis, & Spoliis de immuni barbarie versantur. Quod, igitur, alij tot allegationum concursu ostendere, tot arcuum, substructionumque molibus, atque magnificentia sunt passim contestati: id ego priuatus animo, & voluntate emensurus, hasce nugas intra parietes mihi effingens, cuncta repræsentando, & quibusdam amicis dum satisfacio, persuadeor, alij quoque vt cogitationes inque salutem communem studium meum videant, legereque possint. Qua opella neminem offensurum me spero, Tuæque Serenitati minimi clientuli, ac ignoti factum non ingratum fore credo: dum res ipsa aliquando narratione nostra etiam ad posteros celebretur, communemque voraginem & pestem Christiani nominis prorsus conficiatis. Amen.

Cuius me clementiæ commendo.

Vienna, kl. IXbr. 1571.

BREVIS PICTURAE DECLARATIO.

1.

Indicium Confoederatorū; nam in summo sunt instrumenta vetera Pontificum, hoc est, Ara votiua Pietatis, & zeli, cum patera, flamine, aspergillo, cultroque. Latera Hispanorum & Venetorum insignia, cum innocentum oliuifera Venetijs supplicatione facta. Spicæ vtrinque in summo læti temporis. Imè est carcer Mahometicorum, & infamia.

2.

Neptunus Pegaseus, Iani Austr. celer ad Ithacæ viciniam aduentus. Corallium in fastigio, & Angelica herba; illud aëre duratum perficitur, sic isto Magistratu Ianus; & hæc, alexipharmacum est contra venena. Latera habent ex Numis vetustis regionum litoralium insignia liberatarum. In finem Pater est Oceanus Fluviorum, cum Nili & Danubij proprijs animalibus, id est, Sturione, & Crocodilo; qui sub Christianum Imperium redeunt.

3.

Quatuor Anni vices, & humorum; quibus singulis & cunctis Thurcæ futuri sint posthac infœlices. Margo dexter Pietatis focum, thura, sudumque; tempus; sinister metum hostis, inconstantiamque signorum, turbidumque; tempus, intestinas inter ipsos seditiones denotat; Caput, occasionem nostram cœlo cathena pendentem, & persequendam.

4.

Neptunus proutocatus indignè, rabiem suppressisse cum exprobatione ait. Delphinus ocium cum Asiatica pharetra significat. Manus cum clauibus in pectore, firmitatem societatis, & maris, per gubernaculum Iberi & Veneti. Nemo colligauit, hoc est, adhuc tam firmè Christianos nemo, ac Papa, conduxit. In extremo; Sufficiens. &c. ad Thurcas Neptunus, se eorum furores & minas satis mari restincturum ait, non de fore aquas igni ipsorum.

5.

Tiara, depositum Imperium Scythicum. Eclipsis Lunæ hoc anno Selymi capiti inhians: Aquila sinistro fulmine eius Imperium tactura est, ruituraque; per Christianorum opes.

6.

Nicator ab Atlanticis finibus Ianus, qui molem & orbem curarum sustineat, caputque præcisum Thurcæ; Dianæ, id est, Orientis insidias constringet. Margo Africæ animalia præfert, & quos sit aditurus Ianus, Asia pacata, restitutaque.

7.

Trophæum nauticum: anchoram, hoc est, bellum, Iano fune, quem Oram Latini vocant, stabiliente, ociumque sperandum vniuersum.

8.

Triquetra figura, Othomanorum vacuum est sepulchrum, ac perniciēs, insignis ipsorum virtutibus, hoc est, tribus præcipuis vitijs: Manus digitis contractis, perfidia: Mustela supina, infortunium: Mulier, poenitudo temeritatis

meritis : & in quemcumque angulum recidat, nihil nisi vitiosum reperitur in Thurcis.

9.

Orbis cum temone, vt Actiaca victoria. Laurus & Hedera, perpetua victoriae Iani memoria. Latera pisces subactumque mare habent. Infimè, procellosum mare pacatum, & Cybelem, id est, tellurem stabilitam, vt Hadrianus fecit. Coturnix, Mannæ, cœlestis gratiam nobis præsentant, cum necopina hominum admiratione. Ex Exodo.

10.

Cornicis oculus confixus, id est, Ducis Barbarorum Orientis. Ciconia pia anguem, id est, Ianus molestias deuorat. Templum Iani per eum nostro tempore contra Thurcas clausum, vt per Augustum & Neronem. Infimè versus Euripidis de impia causa belli, & pia positus.

11.

Obeliscus alter, iustum vindictæ oculum, & stella prouidentiam diuinam significant, Cerbero Orientis domito. Medusa, terrorem obiectum Barbaris; fufum, vires nostras vnitas significat. Fama, vel Victoria alata nostra; Venimus, Vidimus, Vicimus; vt Iul. Cæs. de Britannis.

12.

Fastus Barbari diminutus, & altitudo vel apex decussus, qui regionem Lunæ non sit amplius contacturus. Iris, pacis signum & pactorum. Sol, hoc est, veritas Christiana, Ceruum subegit timidum. Taurelli & Canes cubantes Dianæ moerent, & Tauropolia eius festa cessare significant.

13.

Columna tribus Planetarum interuallis, hoc est, Lunæ, Veneris, Mercurij, tribus sæculis, hoc est, ferè ter centum annis, acquisitum inconstantia, libidine, artibusq; Imperium, totidem horis pugna nauali depositum esse.

14.

Vt Vnicornu per se, & virtute rarissimum; ita Iani solius virtus præstitit: qui in prora nauis nixus duce Prouidentia, ipse Labore rebus aduigilet. Comites, & Remiges, sunt quatuor in Imperatore summo Virtutes, de quibus Cicero; Industria, Fortitudo, Consilium, Celeritas.

15.

Cruce, & Sica, id est, Pileus libertatis Religione & Armis constitit, ocioq; aliquo parto aluearia apum abundant; Galea verò Curulibus, Domesticisque fellis imposita. Serpens gyrosus, longam salutem publicam in Ara, id est, Pietate, & animo significat; ad quam conferunt se, suaque vident, Græcia, Asia, & Africa.

16.

Arion est Ianus, qui monstris Thurcicis, Medusæ, & Basilisci terroribus obiectis, strenuè rem gessit.

F I N I S.

NAVALI TRIUMPHO

*Ex Thurcis relato, extincto pelagi metu,
 purgatis maleficio Thraciæ, Pelopon. Dalm.
 Ionij, Epirique Sinus oris. Rhio, Antirrhio,
 Hexamilij impedimento, Africæ litoribus,
 infero tractu ad Herculis vsque fauces, &
 Atlanticas Gades securis. Byzantij obicibus
 infractis, celeritate. v. Hor. vniuersa Orien-
 tis classe, velut turbine, sublata; Interni
 Maris utroque litore parente. Abalio necato,
 Filiis cum Ægearum Insularum Præfectis
 penè omnibus seruituti illigatis, vix nuncio
 cladis Selymo superstite. Marti Celeri,
 Memoriae Non. iix bris. ccioo. mancip.
 liber. idoo host. cæs. & capt. Vulgò noxiis re-
 mis. AN. cio. 3. LXXI. Christiano.*

S.

I.



GRATIÆ MEMORI.
 DEO MAGNO ITHACOIBERO,
 & Portuno Supero, Oceano Patri, Thetydi
 Matri, deuaga, venatu inflata, Nerei-
 dumque oblita DEA iam Minima,
 MONSTRIS LIQVIDIS,
 nunc tractabilibus, Dindymene
 stabilita, Æuitati in-
 finita E. M.
 M. & A. R. C.



THVRCA DESPER.

*Nec v̄dum aër, nec siccum Æquor, nec
 Cælum mortuum, non Terra superstitem,
 non Sol rigentem, nec feruentem Nix,
 nec anhelum Flabra iuuant. Cumq̃
 Cynthia obsit, qui superiora non
 sensi, quid miser agam?*

V̄DVS V̄DIS ESCA
 FIAM.



NEPTVN. VLTOR.

*Satin' malorum ? Prouocatus Urgebo,
 premam, nec cesso : dum vltus
 supplicis furores, nunc tempe-
 tatos, mox extingam,
 Mygdonios Herculi
 coniungam.*

VICTRICES INCI TAT IRA MANVS



SUFFICIENT HIS AESTVVS VNDAE

IOVI SOSPITI.

*Religioni Vindici, Marti Celeri, Memo-
riæ semp. Quòd Rep. strenuè gesta, iugo
exuto, Mari pacato, litoribus receptis,
omnibus quies constituatur.*

Votis . CID . Mult.

vulgò remissis.



FVLMINI BETHICO,
IANO AVSTRIÆ.

*Qui ab extremis vsque Gadibus, Bethicis
sopitis, ultimos territat Cassios, insidias cum
vestigiis abolet. Præside Tritone cælesti,
adludentibus Delphinis, Leone ira potente,
proximiq̃ue periculi Vindice. Nunc
Antipodas vestigaturus, per Ele-
phantum sedes signa
circumferet*

TRIS AVSPP. DIS.



ORÆ QUIETIS P.

QUID NON SIGNA HESPERIA
 cum Marciis valeant? Quò non Æolo &
 Amphitrite Comitibus penetrent? Haud
 iam, Quinque & Iulgeminos Danuvium,
 & Afros ab Æthiopibus qui di-
 uortit, Nilum: Sed ipsum
 Oceanum sub iuga rapit
 HERCVLES IOVIVS,
 Fanum, Marcianumque æuiternat
 Omine nomen.

7.

ΕΝΑΡΗΦΟΡΩ

ΜΕΓΙΣΤΩ



B.2.

CENOTAPH. BARBB.

IN

QVEM-

CVMQVE

RECIDAT:NI-

SI PERFIDIA IN-

FLATA COMES INFOE-

LICIS DOLORIS, IN-


FAMIA ORBIS, RIDICVLI

MVRES EX ELEPHANTIS

SVBITO FACTI SCYTHÆ, HIC

COELO POEN. LVÈRE.

H. M. H. R. S.



ÆQVORIS OMNIPOTENTI.

*Quid Nix in Solem, in Polos Hyperborij,
 Tanais Æquora moliebantur? An Circus
 Arcu maior? Fulmen Hastula? Tonitru
 Sagitta? Violis Laurus debilior? Iusta caussa
 maleficiis inferior? En quæ Ubertas
 Roris famem, irrequietem &
 nubes Cælum sudum
 Fano bipotente
 excepit?*




PRINCIPI IVVENT. ET
AVREI SÆCVLI.

*Et nos tela, Scythæ, gerimus, nec
pectus iniquum.*

*Cernitis vt nostrum properè Mors
vulnu sequatur?*

*Excitat, & demit vires in
Milite caussa:*

*Dux cadit iniustus, serò tetigitque
Penates.*



TEMERITAS GETHICA.

*Insanit, Heros qui tentat; furit, Cælum qui
 temnit. Lugeat nunc Alecto suo morbo, ia-
 ceat Gorgo Diris, & æquori vota. Cur ☉
 potiolem D serius duxit? Fovis alas & pas-
 serculo? Leonem Dianæ pecude?
 Ubi sunt Tauropolia? quid
 urget iracunda
 DIANA?*

II.

PROVID. DIVINA ET



VIGILIA
MONTRA DO:
MANTVR.

V.V.
V.

V.V.
V.

FA
MA

AV
GVS


IRÆ ET CAUSSÆ IVSTISS.

*Ubi es pestis Eoa? ubi rabies Afræ?
 ubi iam eris infandum nefas? Parum
 abfuit quin nos belua terreres, luctu &
 funere omnia compleres. Sed viuit
 Gadius Domitor, viuit Leo qui
 vorat. Tua iaces vi. Incessore
 alieno quid fugitiue
 potis es?*



<i>Neptuno</i>	<i>potenti,</i>
<i>Hespero</i>	<i>lucenti,</i>
<i>Leoni</i>	<i>rugienti,</i>
<i>Temeritati</i>	<i>barbaræ,</i>
<i>Ignaviæ</i>	<i>euiratulæ,</i>
<i>Servituti</i>	<i>recutitæ,</i>
<i>Libertati</i>	<i>integræ,</i>

P. S. F.



TANTA MOLES
HAUD FLVRI-
BVS HOR. COR-
RVIT QVAM
SAECVL. CON-
STITERAT.

VIRTVTI CHRISTIANÆ.

*Quæ litoribus Graciæ liberatis, rebus suis
 diu obscuris per IANVM denique, vt
 nocte Hespero illustratis, mœrore in
 voluptatem commutato, ad Rubrum
 pænè Mare vias expedit, ac
 ocio strauit.*



*LIBERTATI Religione & armis
 recuperatæ; FAN O, qui cædes, &
 vulnera suorum, bellum perse-
 cuturus, melle, ocioque
 refecturus est,
 SACRVM.*



GENIO VICTORIS libidinum
 Barbararum ; fterum triumphanti FANO;
 Qui, vt Iuppiter Titanibus metu obiecto, ad
 Mæotin vsque latrociniis deletis, ac rebus
 CHRISTI stabilitis; perpetuum
 Barbaris frenum, exi-
 tiumque importauit,
 M. P. D. P. G. E.



DE EADEM VICTOR.

Quægens fremebat, dira minataque
Insaniit ferro furialiter ;
Hanc Vindiciæ Summi potestas
Deijcit imperio superbo.

Nemo Malignus vincit, ouat diu ;
Meta illius durat modicum, & perit.
Hoc nos satis casus Scytharum
Edocet, ac monitis tuetur.


Frustratur, is qui ducitur impia
Spe, Sanguinem fundens minaciter.
Cum classe Sceptrum perditurus
Sub pedibus latitat Tyrannus.

Ista sed, oro, ne nimium manu
Victoria insigni simul ocio
Elata mens feruescat, alti
Immemor, ut malè grata fiat:

Sed Barbito ludat Domino Poli,
Cuius geruntur nutibus omnia
Prosperrimè, sæuus labatque
Æquore & auspiciis Selymus.



BARBITOS.



E Pater Omnipotens, cuius victo-
ria tota est,
Ocia qui reparas;
Laudibus immensum canimus:
tibi clara Trophæa

Contribuuntur enim.

Tu solus contra Scythicas nos colligis iras,
Insidiasque teris.

Tu vires confers; rabies te Vindice Thurcæ
Nunc latet æquorea.

Ferrum, ignem, laqueos, iuga qui ceruicibus imis,
Innumerabilibus

Artibus, atque odio tendebat, concidit: illi
Nulla salutis opes.

NEREA, Nereïdes tanto molimine, velis,
Sollicitudinibus

Frritare ausus, bellumque minarier Orbi,
En religatus ubi est?

PONTIFICIS votū, ac studiū memorabile semper
Unanimes redigit

Cum VENETIS socios, longa vt requiete fruantur,
Compositique sient.

AVSTRIADVM Virtus iuuenili semine tantum
Cum Hadriacis potuit?

Quid poterit? quod non audebit iam auctior annis
Posteritatis opus?

Fulminat Intrepidus, subigit gentemque ferorem,
Cum Patre nomen habet.

*Fra etiam iusta LEO quantum præstitit Ingens,
Cum subitò inualuit?
Quid non pro CHRISTO tot nomina cara, Ducesq;
Suscipiant cupidi?
Per varios fluctus, per inhospita saxa sodales
Currere dum properant?
Hanc pacem nobis, D E VS, asserere, pectora firma
Consiliisque bonis.
Fac grates resonent, plures meditentur honores,
Qui spolia ampla ferunt.*

τέλος.



EXHORTATIVNCVLA

SAMBUCI, AD VICTORIAM

EPIRATICO MARI PARTAM,

Idib. Xbris, M. D. LXXI.



EMO est omnium, quin ob tam incredibilem, subitamque Victoriā exultet; qui non lætitiæ publicæ indicium priuatim aliquod efferat, nemo est, Christiani Auditores; vt pelagus, ipsa litora, vrbes, ac tecta plausum dare, publicæq; rei præclarè gestæ Auctori gratias agere videantur. Quis, igitur, tam graui stomacho, & auersus, vel potius inuidus fuerit, qui me quoque paucula de tot triumphis, imminutoque periculorum metu dicturum audire, & quemadmodum reliqua sint obtinenda, depellenda contraria, breuiter monituum nolit intelligere? Narrata toties, & ab aliis decantata, inquires; nil noui meditaris.

Vtinam nuncius adsit deletam prorsus esse, confixamque rabiem Othomanicam; vtinam sociæ classis, totque pectoribus inuictis, quorum hæc omnis communitate vis consistit, non vltius esset laborandum, velisque contractis perpetuo ocio, domesticoque in portu degendum. Ingens, & inaudita, Christiani, vestra fortitudo ad Ὀχρῆς, Homero etiam Θοῶς, Corcyramque nigram enituit, consilium celeriter pugnandi, manus ad cædem expeditæ, constantia in perniciē, hostiumque impetu frangendo inuisa, præter omnem expectationem tot milibus Barbarorum concisis, & captis, non paucioribus Christi cognomine, ferro, vinculisque liberatis, victoriā memorabilis, & quæ omnem Græcarum, & Asiaticarum, ipsius denique florentis Imperij Romani famam superat: Sed isto successu vobis acquiescendum minimè est, maiora ad caput restant, ardua, plena sollicitudinis: vt omnino aduigilandum sit, ocium si complectamur, & reliquias contemnamus, ne aliquando facti nos poeniteat. Absit mali quid ominer, &, si quid metuo, in caput Scytharum omne redundet. Verumtamen nisi spem diligentia moderemur, lætitiā temperatè effundamur, nisi cauti ad quosvis casus nos deinceps quoque comparemus; vt quiete, & insolentia tantum hostem voremus, difficilè mihi persuasero. Exemplā sunt in promptu, eaque recentis memoriæ, quæ sine offensione, aut bile quorundam vix recitarim; vetera ipsi nostis. Certè in Victoriā non

non est tantum momenti, quantum scire ea & vti, & si opus sit, mature, ac dextrè persequi; quod ipsum contra istam crudelissimam gentem omnino est faciendum: qui secus animati sunt, vel cæteris spem ostendunt, cum alijs in discrimen se vocant, fraudemque inducunt.

Quid itaque, dixeritis, te angit? Caput ego, caput, & iugulum, Victores, duntaxat in hoc tempore, censeo petendum. Aditus ad Byzantium, & Alexandria portus ista clade sunt patefacti. Bithyniæ, Mysiæ, Cariæ, Lydiæ. &c. Solymorum ipsa mœnia, & portæ, nos rem egregiè cœptam vti vrgeamus, inuitant; quod tot vulneribus, sociorumque occasu peperistis, pace vt firmitus communiatis, vocem edunt; ne quid scilicet temerè in ipso ocio, inepteque noceat, obtestantur.

Ea est immanis huius Beluæ natura, ingenium, pectus ad omnes dolos factum, vt accepto in suis grauiore malo, cedere videatur, timere se simulet, præhenset, gratiam aduletur, nihil noui moliatur, apertè neminem oppugnet; dumque se colligat, omnes induciarum & pacificationis verset rationes: quibus vbi profecit, moramque suis reparandis impetrauit; tamquam fluctus, impete vasto, sic mox irruat, securosque animi hauriat. testata narro. Haud ille, nisi nihil video, cessabit summos Principes Orbis, vel titulis antea non impertitis, sollicitè orare, pacem vt seruent, fide agant depacta. Dabit operam, Polonos, & vicinos conuentis vt cohibeat, voluntate in se, finesque suos promissa contineat, mille Artifex. Quibusdam bona, & mellita verba, maiorum exempla, prolixa præmia; si studium reconciliandi, aut hostem induciis fictis ducendi, seriò interposuerint, omnia se illis profuturum. Reperientur forsan, (sed procul id sit) qui communis Rei summo damno; res nouas in Belgio, velut camerinam, mouebunt; quò classem pulcherrimo & sanctissimo instructam consilio morentur, odium priuatum Saluti vniuersæ præponant. Quare ne quicquam horum vestris institutis impedimento sit, temporeq; cuncta administretis, foris inimicis iugulatis, domesticos vti facilius comprimatis, etiam atque etiam prouidete. Præcidite, per Deum, huiusce generis omnes vias Impp. & Milites fortissimi, in hybernis ad quasvis occasiones, & procellas vniti constetis, aut ad primum Ver confluatis. Peloponesi ora lecta, non lacestis quibusque scopulis, Sesti, & Abydi, Troadisque claustra quamprimùm, & rectà perumpite, ipsum Selymum tanta classe non percellatis modò, sed propellatis. Quem, quod potestis, modò non langueatis, aut insolentius tumeatis, omni Maris spe si exueritis, quid ille porrò in vos maleficij
cogi-

cogitarit? quid continente effecerit, si vos domi salui per internum pelagus ab eius importunitate sitis? Profectò, si triumphorum, spoliis, & illectamentis semotis, vos ad occupanda reliqua expedieritis, Comici illa nobis dederitis; Πλεθύνγειαν, εὐδαιμονίαν, εὐρήνην, νεότητά, γέλωτα, χορὰς, θαλάσας, θαλάτ' ὀρνίθων. Non desunt vobis Regionēs æquè potentes, non nerui, non fines præsidij firmi, quibus progressus faciatis, equi & pedites ad extinguendam pestem qui concurrant innumeri. Pannoniæ, Germania, Italia, cuncta quæ Europa officium, & humanitatem non deserent; cuius armis, & auxilio Machometi colluies expurgetur, nefaria nostri calamitas ad extrema redigetur. Pecuniæ & thesauri tum sacri, tum prophani, quibusvis legibus Imperij propositis, & vulgatis, suppetent ad rem perficiendam, modò alijs diuortijs, & quæ intercurrere possent, obstaculis tempestiuè obfistis: hoc est, ad remos, & ventos statim redeatis. Tu imprimis, Inclyte IANE; qui ad hanc gloriam singulariter à DEO, & PONTIFICE euocaris, quam celerrimè socios hortare; præito.

I bone, quò virtus tua te vocat, i pede fausto,

Grandia laturus meritorum præmia: quid stas?

Videtis, auditis, quàm vbique nunc horreant immundi canes; vt ad suos cladem acceptam dissimulent; fingant nuncios, & allegationes; vt in Pannoniam quidvis indulgeant; blandiantur; eo quæ dementiæ venerint, vt lippis & tonsoribus sint ludibrio, quæ Maximiliano Cæsari non verentur nunciare. Quum ille semel pressus, & afflictus concedit, nullus est, periit, vel auram, & foliorum strepitus pertimescit, dum quæ emergat, latitat. Hoc ipso nunc fulmine à vobis tactus, Recuperatores auspicati, profugit. Rhodus cum Cypro, Insulæ omnes Ægeæ, isto vulnere, à Tenedo ad vsque Propontidem, & Hospitale ipsum pelagus, faucibus lugent, Afri mœrent, vltima quæque impendere sibi sentiunt. Nostræ vires adhuc consistunt; quod desideratis, facile, & tutò subieceritis: non vllis antea prælijs, aut obsidionibus, vel fluctuum molestijs, classis est conuulsa, aut labefactata: momento triumphastis, momento ne quid de tanto nomine aliquando detrahatur, præstare potestis. Causa vos excitet CHRISTI, causa rupti fœderis, & periurij; iustis rationibus hætenus iuistis, si declinetis, turpiter offenderitis. Haud ille vobis arma intulit, insanit fidei oblitus: vos iudicio DEI exciti, eius scelera castigatè, vim compescite.

Dum, itaque, Ductores, & Confœderati, classem hostis nouam integret, laceram, & con fractam sarciat, tabulas quæ; naufragij coniungat:

eius

eius dolos & nugas intercludite; nisi si periclitari velitis, hoc ipso Victoriæ impetu persequamini. Dux & Auctor DEVS est, nihil de animo, & dextris feliciter in opere exercitis, sanguineq; hostium tinctis, remittite: Annos, & Menses magis propitios ne exoptetis, quòd cuncta sint in manu vestra, si iam nihil negligatis, adeoq; classe nudatum Tyrannum, & custodia, falsumque spiritu inflato Canem ad interitum rabiemque subigetis. *Gratia Diis felix, & inexcusabile tempus.*

Si amore salutis coiistis, si sedes Beatorum, vnde vitam ducitis, appetitis; si vos tangit recordatio, quos amisistis, sociorum carissimorum; si CHRISTI vos denique auctoritas, Ecclesiæ necessitas fleētunt; corripite medium, delete infandum scelus, audaciam, furorem, libidinem cohibete, ac ne posthac Lernææ feræ exemplo, vñquam ille se moueat; ne ex superstite veneno alij vobiscum culpam molestiamque trahant, perficite. Sunt, fateor, in ipso sinu Hadriatico loca Thurcarum firmissima; Dalmatiæ, Epiri; veteris contiguæ oræ non sanæ; haud aspernandæ retrò Afrorum vires; pyratarum insidiæ multis infestæ circumuolitant: Sed illa vno, eodemq; ictu confeceritis, si in caput, & sedem monstri incubueritis, impedimenta; transuersa suppresseritis: quippe quod ex disciplina Militari sit, hostem procul ferire, vim, & iniurias à parietibus longius arcere, quod vno impetu potes, distractis conatibus minimè relinquere, in nullum discrimen intestinum quidquam omittere: si quidem fauillæ spiritu aliquo aut motu excitatæ, ad flammæ, & incendia sæpè excefferint. Si quid molestiarum occurrerit, cogitate nemini sine sudore coronam obtigisse; & qui præsumt tanto negotio, ijs cum honoribus labores oblatos, vt dicere cum quodam Rege possint, non tam nobile & felix diadema esse Victoriæ, quàm sollicitudinibus refertum; & si quis penitus id cognouerit, ne humi quidem iacēs tollendum: etsi vestra ratio longè alia sit, cœlestiumq; subsidio, & præmijs nitatur. Si enim, quod Agathocli usu venit cū Carthagenensibus, metus metu, vis vi discutienda esset, Thurca in vos rueret, vobis classis contrà in Ortum, & Asiam tamen esset dirigenda: atqui ille nihil potest, latebras quærit, si quid habet, tamquam Hasdrubali, cum duobus Coss. ei certandum vobiscum erit. Cæterum, audio esse voces; Neritum anticipandam, Castellum nouum si expugnetis, non parùm ad Veris conatus vos præstituros. Sed potiora ad ocium sunt proposita, vt dixi. Si singulis locis circumdandis vos occupabitis, ac separabitis, videte, quàm rebus gerendis prosperè consulueritis. Scitis Prouerbiū: Dimidium cœpti, qui benè cœperit, habere, non totum: quasi enim
præmium

præmium Victoriæ, antè quàm vicistis, expetiueritis, perinde remissio-
ne liberiore videmini abufuri. Ortus obitui Solis est spectandus, vnde
salus dependet: in quem laudis spes intueri vestra debet, ortus est, Socij
inuiçti: qui patet, sese totum vobis offert. Messinæ receptus tutissimus
est, & quò traicere, & aduolare Iberi, Hydrunto, vel Tarento alij facîle
Corcyram appellere, commeareque possunt. Inde Ionij tractus nil ne-
gabunt, nil Strophades iniçient, aliæ Insulæ, Promontoria, Sinus vo-
biscum sentiunt, & facient, hospitioq; gaudebunt. Extinctæ sunt Nau-
pacti, Corynthisque sinus insidiæ, vestra fortitudine Hexamelij inædi-
ficatio prohibetur, Peloponnesi appendices cum Cycladibus, & Spara-
dibus, cum præsertim Cythera, & Hepla vos, tamquàm κλειδεα audiant,
Creteo mari velut crepidinibus, & patrocinio confident, ad Cyprum,
Rhodumque cursus promouebunt, vt recuperata mox Asiæ parte, tur-
batis alijs, breui Solymis sitis trophæa defixuri: tantum est nunc in ce-
leritate, occasioneque rei gerendæ constitutum, Christiani Milites.
Quæ ipsa ad quodvis momentum calua, & punctum arripienda est;
nec abest, aut redit cum volumus, quomodo de Epimenidis Cretenfis
animæ natura, & priuilegio veteres prodidère. Byzantium nullis præ-
sidijs audio septum, Selymi metus, & iam Thesaurorum asportatio,
concussis omnium pectoribus, trepidatio cuncta vobis leuiora reddit.
Nihil istic præter imperitam fecem, imbellesque vernas trucidabitis.
Quòd si quid ex Thracia, Macedonia, Illyrioque imminebit aduersi,
habetis, quos solo copiose opponatis, peditum, & expeditorum Equi-
tum milia plurima: necessariorum autem ratio ea est subducta, vt bien-
nio quamvis aduersaria, & minas sustinueritis, sociorum is sensus, vt
omnia in caussa CHRISTI cupiant: & cessare velitis? & inseruire va-
nis pompis, & adulationibus fectis plus, quàm contentæ Victoriæ?
Ad summam, si quidque loco, & tempore, accurateq; vrseritis, vicistis;
sin securitatem ante tempus, ante ignem fumum fingatis, non vicistis.
Si pigritia vos, aut inanis celebritatum, spectaculorumq; amor etiam
nimium tenebit, periistis, ac fama loquetur de vobis, quod de Milesijs:
Πάλαι ποτ' ἦσαν ἄλλοιμοι. Pergite potius, nihil obducite domesticū, quod
vos retrahat. Maius nomē de hoste externo & magno inuenietis: pes-
simus enim quisque asperius Victorem patitur: quando quibus illius
animus distinetur ac timet, vester erigitur, quibus ille excruciat: vos
iusta caussa, probitate Religionis viuitis, quodque vobis præsidio est,
qui tot triremes eripuistis, pluresve suppressistis, illi numquam à curis
animum, & dedecore subleuabit.

D

aliqui

aliqui : at, quàm diu in Mari, & quas difficultates, hoc est, nullas perpessi sint, non clamant. Haud illi primi sub pellibus iniurias hybernas longè maiores ob caussas tolerabunt: quin potius dum recens, & funesta clades Tyranno obuersatur, terretque, quantum per cœli benignitatem, & amplius, durate, premitte hostem, reque ipsa metum illi, non opinione de futuris collecta, augete. Aut enim diuturniore interuallo, quæ nunc subito superaretis, loca munienda hosti permittetis, aut utcumque nauiculis, & pyratis ille euocatis, litoribusq; per continentem commeatu, & militibus roboratis, nos infestabit, aque sua Regia isto stratagemate auertet. Qui aliàs interdum à stipendio desciscunt, inq; hostis fidem, aliqua ira milites ducti, defecere, veniam sunt adepti; qui pro religione, patria, capite, pro liberis nomina militiae laceffiti dedere, si quidquam connueant, aut minus provideant, cessentq;, imprudentes dicimus, si temerè à consilio dimoueantur, incautos vocamus, Deorumque, & Penatum oblitos, si hostem è manibus laxent, occasionem perdant, auctores perniciæ. Quamobrem, CHRISTI Nauarchæ, coniunctis votis ac viribus, mora seposita, cædem igni & ferro continueate, quæ nocere possunt tollite; festorum ludis, tributioni spoliolum, & τῆ ἰσονομία, seu æquilibritati cuidam, si quæ extiterit, modum ponito; statim ad transtra & remos confidite. In quam si mentem, uti omnino spero, citra longiorem deliberationem, abieritis, iamiam, cum Thracia finum superum omni latrocinio & horrore exemeritis, Hordeæ iuga infessa, Epiri angustias, Macedoniam sepositam, vnà cum Pæonibus niuosis possidebitis, atque Asiæ præcipuis obicibus reuulsis, Africæ militiam, ad Nili usque ostia, & ortum obscurum, aduersa delebitis. Ac præpotens DEVS, è cuius folio cuncta fœlicia manant, ad quem ista pertinent, labores vestros vberimis euentis cumulabit, perpetuaque laude quietis consilia ornabit; tum per omnes, vbivis, foribus & templis, ut Phidias, in Clypeo Mineræ effigies, spolia inferere vestra licebit, tum ad voluntatem cuncta fluent. Hæc volui dicere, si quid tamen priuati homuncionis & imperiti apud tantos Principes, Militesque exercitos verba vnuquàm valuere: cui iudicium meum probatur, manum tollat; qui meliora nouit, proferat, & quod probius est, deligatur.

D I X I.

DE CLASSICA AD NAVPACTVM
CONTRA TVRCAS VICTORIA, PER
D. Ianum Austriæ, Class. & oræ Marit. Præfect.
Inuictiss. D. Caroli .V. Cæs. F. parta,

CARMEN HEROICVM
PER H. FAVOLIVM.

BARBARA gens quondam, crudelis & aspera bello,
Caucaseis exorta iugis, Scythicisque pruinis,
Qua gelidis Tanaim Boreas, & Bosphoron auris
Cimmerium, & niuibus Maotidas asperat vndas,
Turmatim pretio, conducti militis instar,

Sub Muchumetio Saraceno Principe fertur
Annua principio meruisse stipendia, & omnem
Assiduis miserè vitam exegisse sub armis.

Inde alijs, alijsque nouis sub Regibus ære
Exiguo, at belli vario discrimine Martem
Perpetuò parti victrici exercuit hærens,
Gens tantùm prædæ, diræque assueta rapinæ.
Quæ post in plures diuisa sine ordine turmas
Viuebat rapto passim, peregrina domique
Fræna pati indocilis, domino aut parere potenti
Nescia, vel certis fixisque Penatibus vsquam
Deligere extructas generi certo ordine sedes,
Sed tantùm incultis magalia figere syluis
Contenta, atque larem externos vectare per agros.
Quos etiam tandem propriis de finibus actos
Dira fames, necnon victus penuria adegit
Paulatim ignotas gentes, orbisque remotas
Scrutari terras, atque extra quærere regna.

Ergo procul patria à tergo tellure relicta
Impia colluuiæ Arctoæ gentis, amœnæ
Arua Palæstina, Solymasque inuaserat arces;
Fœdere dum rupto, atque orto per castra tumultu,
Ductorem ipsa suum, & Dominum nil tale verentem,
Inter funestæ non prospera prælia pugna
Inuadit, miserumque inopina morte trucidat.
Excursusque breues vicina per oppida passim
Sarmatiæ intentans, Syriaque Asiæque minoris,
Omnia vertebat in prædam, & nomine belli
Velantes diras magna feritate rapinas

D. r. Circum

Circum exercebant, nil iure aut lege gerentes.

*Hinc munita loco, & natura munere, & arte
Inuasere arces, inuasere oppida tandem
Plurima, inaccesis circumdata mœnibus, hincque
Exactis circum vastabant cuncta colonis,
Inque propinqua truci prædones cæde ruentes
Regna, fatigabant depulsis ciuibus vrbes,
Vastabantque suis cæsis cultoribus agros.*

*Donec Godfrædus cum fratre Bilonius Heros,
Pontificis iussu, & communi voce potentum
Romani Imperij Procerum, non segnis auitæ
Deligitur fidei protector, & vnicus idem
Vindex oppressæ tum relligionis, & omnis
Patrata in socios aliosque tyrannidis vltor.*

*Totius Europæ qui sumptis viribus hosti
Obuius ire parans, quas antè inuaserat vrbes
Prædatrix ea turba, iterum præstantibus armis
In veterem asseruit, libertatemque receptat.
Perque Asiæ populos, perque agmina Turcica (quorum
Dux Solymannus erat, qui Martis concitus æstro
Assiduo belli flagrabat amore) cruentas
Committens strages, & plurima funera, campos,
Ipse rubræ vexilla Crucis, passimque trophæa
Signa triumphata erexit victricia gentis;
Dum Mahometicolus Solymannus, quem penes omnis
Incæpti Regni stabat spes vnica genti,
Inter anhelantes peditumque equitumque cateruas
Corruit, & vitam cum sanguine spargit in auras.*

*Tempore at ex illo prorsum est labefacta potestas,
Extinctum decus est, & prorsum concidit omnis
Gloria Turcarum, ac cessit vis effera gentis,
Prospera quæ nimium primordia sumpserat antè.
Et quod ego haud dubitem asserere, audenterq; profari,
Si repetita manu forti, si parta tueri
Quæ noua successit soboles curassæt eadem
Virtute, atque pari studio, exemploque parentum,
Post nunquam Turcas ferro, sceptroque superbos
Byzantina Trapezuntinaque regna minantes
Vidissent populis, aut dantes iura subactis.*

Namq; graui extincto Solymanno hac clade, superba
Qui

Qui sese veterum Teucrorum ab origine natum,
Priamidumque satum Regali à stirpe ferebat.
Non sortita Ducem est vllum gens Turcica dudum,
Bellica quem claris extollat gloria factis.
Nec quisquam illius natus de sanguine prorsus
Cognato, partas in opes successerat hæres,
Qui foret aut Regni præsens tutela ruentis,
Aut qui palanti populo auxiliaribus armis
Suppetias ferret, dextra aut tutrice receptum
Assereret, validumque auerteret vrbibus hostem.

Incrementa sed his discordia, Regna, simulque
Christicolum intestina Ducum certamina, nostris
Hostibus, & vires animosque dedere rapinis.

Nam post dira lues, Geticæ fœdissima gentis
Colluuiæ, seruile genus, ditissima quondam
Non modò Regna Asiæ, Scythiæque inuasit opima,
Quin etiam Armenias post est grassata per ambas,
Cappadocumque oras, Cylicum campestris, & ipsos
Inde Palestinos, Syriosque, Arabasque beatos,
Phœnissas gentes, Apamænæque rura subegit,
Mæoniæque inuasit agros, Lydiæque propinqua
Arua Lycaoniæ, & Phrygiæ notissima quondam
Littora, nunc varijs tantum obruta terris ruinis.
Insula in Egæo nulla usquam est æquore Turcæ
Quæ non passa iugum fuerit, non Cynthis Delos,
Non Creta ipsa neget centum clara vrbibus olim,
Quæ toties sæuos gentis perpeffa furores,
Auspicijs Venetum medio iacet insula ponto.
Horret adhuc meminisse animus, tristisque recusat
Ipse referre Rhodi quoniam subuerterit arces,
Marte diu nostri dum confliantur iniquo.
Quid? quod & hic tandem violentis cœperit armis
Attentare sacras Europæ, & Aheidas vrbes,
Vnde illum Breuibus, & Syrtibus asper vterque
Bosphorus arcebat, latæque Propontidis vnda.
Ast nunc Euxinum numerosa victor & Helles
Classe secat pontum, & prorepsit in Hellados oras.
Seruitioque premit Locros, bimaremque Corinthum,
Argosque & Sparten, Agamemnoniasque Mycænas,
Oppida Spartano quondam regnata Lycurgo.

D. 3. Nec

Nec satis, *Æmathiæ* celebres penetrauit ad vrbes,
Colle&taque manu domuit gens impia quicquid
Ægæi Siculique maris concluditur vndis.

Quin etiam ipse sibi delegit *Barbarus* urbem
Constantine tuam, translatis vndique gazis,
Imperij sedem, & caput inuiolabile Regni.

Ast nunc *Hesperiam* ingenti formidine demens
Terruit, atque illum metuit *Germania*, latumq;
Illyricum, Regioq; omnis vicina tremebat;
Arua pharetratus *Cypri* dum victor opimæ
(Post varias hominum clades, vltroque citroque
Acceptasq; datasq;, & funera multa virorum)
Omnibus exhaurit rebus, & ciuibus orbat.

Hinc nunc ancipiti mentem formidine preßi
Vicini *Proceres*, consternatique timore,
Quotquot aut *Italiæ* felicia Regna potentis,
Et *Siculas* coluere oras, & claustra *Pelori*,
Et maris *Adriaci* tota cum plebe *Senatus*,
Percupidi tantam Regnis depellere cladem,
Articulo in summo belli, instantisq; pericli,
Christicolum socias vires, omnesque propinquas
Auxilio implorant gentes, Regesque, Ducesque,
Ignotos, notosque, fidemq; & sacra professos,
Vnanimes secum rogitant circumvndique vt instent
Communem *Italicis* propellere finibus hostem.

Namq; prius *Venetus* pariterq; & *Turca* prophanus
(Dum *Solymannus* atrox Regni moderamina gessit)
Alter in alterius quam par erat arctius, & quam
(Quos inter fidei dissentio tanta) decebat,
Verba & amicitiam coniurauere latenter.

Sed postquam è viuis *Solymannus* cesserat, atque
Filius Imperio *Selymus* delectus auito,
Vnicus extincto successit iure parenti:
Ipse ferus rabie, Regniq; cupidine pallens,
Fœdera cum *Venetis* temerat socialia demens,
Et mare quod lato *Cithææam* gurgite *Cyprum*
Alluit, impleuit ratibus, contermina vastat
Littora, & ingentes implet terroribus vrbes,
Omnia certatim ferro populatus & igne.

Iam procul *Argolicos* fines traiecerat amens,

Cis maris Ægæi, vastæque Propontidis vndas,
Qua latè Adriacum, qua se generosa Corinthus
Explicat, & medio lucet Cephalea profundo.

Interea Proceres tota ditione coacti
Italiæ, magnæ ad sacrata Palatia Romæ
Conueniunt, iungunt sub amico fœdere dextras
Otiis, in commune quidem pro nomine CHRISTI,
Horridaïque vnanimis mox arma capescere suadent,
Atque laboranti nunc nunc succurrere Regno.

Nobilis Austriaco LANVS de sanguine cretus,
Nec minus insigni morum probitate, fideïque,
Quàm reliquis animi, ac mentis virtutibus auctus,
Articulo in summo belli, instantisquè pericli,
Pontificis iussu, Venetorum, & Regis Iberi,
Agminis incæpti Ductor, clâssisquè paratæ
Deligitur, reliquos qui tum feruente iuuenta
Ante alios belli laudum flagrabat amore.
Hunc tu Barbaricæ clarissima stirpis origo,
Atque insigne tui decus, Augustine, Senatus,
Insequeris propius, fidus velut alter Achates,
In dubios belli socium te adiungere casus,
Atque sub extremum pulchro te offerre labori.
Nec minus armipotens multis cum milibus ipse
Dorius, & Venirus, & clarus stirpe Quirinus,
Compluresq; alij, quorum nec nomina certum est,
Nec numerum nostro versu comprehendere promptum,
Subsidio veniunt, studioquæ flagrante sequuntur.

Ergo iter accelerant Siculæ ad fera littora terræ,
Cœrula qua variis quatitur tota insula ab vndis,
Montis in anfractu magnæ qua mœnia stabant
Vrbis Messanæ scopulorum mole reuulsa;
Qua Pharus accensa ad turritam lampade rupem
Nocte procul nautis optatos exeret ignes.

Iamquæ acie instructa, & magnis legionibus, atque
Totius Italiæ collectis viribus, hosti
Obuius ire parat, superatquæ per ardua longè
Hydronti colles, Salentinosquæ recessus,
Austrius, & claro contermina rura Tarento.
Et cum circuitu vicina Ceraunia legunt,
Mox dextram versus turgentia vela feruntur

*In portus Corcyra tuos, quos ignibus hostis
Vsserat, hostili populatus cuncta furore.*

*Hic bis mille suis iuuenes adiunxit Hiberos,
Et totidem Oenotrios, Dux Austrius acer in armis.
Qui pariter iunctis opibusque, & viribus omnes
Ex æquo vnanimis hic conuenere, parati
Extremum longè propellere viribus hostem,
Vel saltem veteri pro libertate, focusque,
Pro patria atque aris manifestæ occumbere morti.*

*Otius ergo vagas ponti vt traiecerat vndas
Austrius octonis stadijs, en protinus omnes
Iussit adesse rates, inflari & classica, moxque
Ære ciere viros, Martemque accendere cantu.*

*Hic nihil instantem poterat turbare tumultum,
Vimque, animumque Ducum, qui Religionis amore
Haud dubiam in mortem sese obieciare parati,
Indomitum toto spirabant pectore Martem.*

*Dum tamen aduentare rates, inimicaque castra
Conspicit, atque hostes Ductor Mauortius, omnes
Præcipitare moras, pontoque insistere aperto,
(Dispositis, vt fortè locus, tempusque ferebat,
Ordinibus) statuit, tentatque pericula belli.*

*Et iam tempus erat, cum ad littora rauca Lepanti
Hinc atque hinc rates armatæ concurrere certæ
Exiguæ inter sese, paribusque diremptæ
Distabant spacijs, & Dux progressus vterque.
Hinc Mahometæus Dux Bassus in agmine clarum
Voce suos, verbisque fremens immane cohortes
Admonet, assuescant constanti pectore crudum
Excipere, atque alacres pulsa formidine in hostem
Collatis subito ratibus contendere pergant.*

*Parte alia Austriacus lectos ad bella triremes
Componens Ductor, dextrum hos defendere cornu
Mandat, & hos aciem statim fulcire sinistram.
In medio ipse quidem partitis ordine signis
Singula componit vigilans, oculisque vagatus
Vndique, iam mentes acuit, belli que furorem
Suggestit, & stimulos crebris hortatibus addit.
Donec cuncta satis circum explorata, suisque
Præfidiis munita videt, tum protinus acri*

Signi-

Signiferis instare suis hortamine, & omnes
Irruere, aduersum seseq̃ immittere in hostem
Imperat vnanimis. Moxq̃ hinc violenter vtrinque
Inter se totæ concurrunt impete turmæ
Oppositæ, pariliq̃ ineunt discrimine pugnam,
Alternisq̃ue cadunt per mutua vulnera fortes,
Et noua sanguineo miscentur funera ponto,
Seminecesq̃ue ruunt multi, & clamore lacesunt
Astra, Deosq̃ue, graui complentur & omnia questu,
Hinc luctu, gemituq̃, & terribili vlulatu
Cæforum, & tristi partim sub Marte ruentum.
Vndique & armorum conflictu personat æther,
Militibusq̃ue suis monitu Dux instat vterque
Sollicitus, totoq̃ue furit vis Martia ponto.

At tandem Venetus, Dux Austrius, Duxq̃ Columna
Vnanimis, iamq̃ vna phalanx prorumpit in agmen
Turcarum, ingentemq̃ue ruens conamine toto,
Machina dum multas mergit Mauortia puppes,
Dat stragem. Hinc grauius labefactus viribus hostis,
Turbatusq̃ue loco, iam tandem cedere leuo
Cæperat in cornu, & sese subducere pugna.

Hic magis atque suos magis instans vrget in hostes,
Ingentemq̃ue ædens inimica per agmina cladem,
Inuadit, totisq̃ue ferox legionibus instat.

Sexaginta ducit latebroso è colle triremes,
Aggreditur alios, rursus ruit æquore ab omni
Ante expectatum, & latè circum vndique magno
Correpto campi spacio trifida agmine turmæ
(Nequa vlli spes vlla fugæ superesset) oberrans,
Paulatim arctabat gyrum, dum cominus omnem
Hinc atque hinc, geminæ veluti inter cornua Luna,
Arctè aciem denso circumvallauerat orbe:

Nec mora Turcarum mox pellit in agmina turmas
Austrius ipse suas, & clausum seuit in hostem.

Qualiter exertis armorum dentibus aprum
Turba soluta canum certatim atque impete facto
Morsibus appropere inuadere, & ingruere hosti
Vndique, sed facti propiores figere morsus
Cunctantur, donec reliquis audentior vnus
Terga feræ superinsiliens, raptim occupat armos.
Ille loco, & notis latebris non cedere certus,

Fulmi-

Fulmineo dextra minitans , rursusq̃ sinistra
Dente canem feriens, nunc hunc , nunc protinus illum
Perfurit, & fannis latè diuellicat artus,
Obuia quæq̃ rotans, per viscera vulnere adacto
Ilia discerpit , spargitq̃ per aëra fibras.

Haud secus indomiti sese ad certamina Martis
Componunt Turcæ, densaque indagine septi,
Fortiter obuersis erumpunt frontibus hosti,
Atque graui hostiles vexabant cæde cateruas,
Instabant, seuamque adeò noua funera stratis
Vsque cadaueribus cumulant, adeoque cruentam
Ediderant passim stragem, circum vndique vt ipsum
Cœperunt alta voce exclamare triumphum.

Sed simul ac rursus, nitidis violentus in armis,
Nubibus expressi, & vibrati fulminis instar,
Austrius emicuit, caput & Bassæ extulit hasta,
Quod prius abstulerat Mauortius ense corusco,
Tum properant, cumulantque ingentes cædis acervos.
Exsatiant sub Marte manus, irasque cruentas
Cædibus, & rumpunt per tela iniecta, per enses,
Pugnandi rabie, & furis grauioribus instant,
Donec eis, fusis, & acerbo Marte peremptis
Hostibus, annuerit certam Victoria palmam.

Maurus at Argiræ Pyrata timore metuq̃
Anxius, atque immane fremens, succurrere rebus
Cum non posse videt, premerentque aduersa periclis,
Territus in latebras, desertaque in auia longè
Quadraginta citis subduxit sese phaselis.

Cum mox dispositis Naupacti ad mœnia castris,
Consedere Duces, referentes signa cruentis
Turcarum spolijs, magna virtute potitis.
Iamq̃ recensentes residues certaminis, omnes
Vicinas domitant vrbes, frænantque rebelles.
Oppressamque graui miseraque Tyrannide gentem
Christicolam externa tandem formidine soluunt,
Linquentes clarum prostrato ex hoste triumphum.

APOSTROPHE AD IANVM.

Ergo tibi merito hac statuit monimenta triumphi,
(Magne Ducum seros semper victure per annos)
Posteritas. Hos IANÈ tuo solenniter arcus
Ipse triumphali vouet Sambucus honori,
Nequa laborantem inuoluant obliuia famam.

AD IANVM AVSTRIVM,
DE VICTORIA PARTA
Carmen Ro. Anth.

*Te Pater aspiciens ex alto Caesar Olympo,
Æquoreum celeri dum trabe curris iter:
Perge puer, dixit, nec te iam Barbara classis
Terreat, aduerso quæ mouet arma DEO.
Ecce tuam circum volitat Victoria puppim,
Atque suas ponunt Euris & vnda minas.
Maeste animo, vt dederam terris ego iura subactis,
Sic tibi deuictis seruiet æquor aquis.*

IN EVNDEM,
VENET. ANT.

*Si dum pubescis virtus te bellica cælo
Inferit, & superis reddit honore parem;
Quid tibi Fata dabunt fuerit cùm firmior ætas,
Cumq; anni crescent inclyta facta tui?
Non mare, non tellus capient tua nomina, dicet
Non etiam cælum Iupiter esse satis.*




*Arcus hij Triumphales cum ascriptis, non habent quidquam
Religioni contrarium, aut fidei publ. offensiuum, possuntq;
imprimi quemadmodum reliquæ antiquitates & gentilitia.
Sebastianus Baer Delphius insig. Cathed. Ecclesie
S. Marie Hantuerpiens. Plebanus & Canonicus.*

THE UNIVERSITY OF CHICAGO
LIBRARY
40 N. E. 10th St.

Received of the
University of Chicago
Library
the sum of \$100.00
for the purchase of
the book
The History of the
University of Chicago
by
The University of Chicago
Library

THE UNIVERSITY OF CHICAGO
LIBRARY
40 N. E. 10th St.
CHICAGO, ILL.
RECEIVED OF THE
UNIVERSITY OF CHICAGO
LIBRARY
THE SUM OF \$100.00
FOR THE PURCHASE OF
THE BOOK
THE HISTORY OF THE
UNIVERSITY OF CHICAGO
BY
THE UNIVERSITY OF CHICAGO
LIBRARY

100



2118/5

2834-571

My dear mother

I am very well & hope

you are the same

I have been very busy

but I hope to write

to you soon

I am very much

affectionately

your son

Wm. Lloyd Garrison

